

a leurs obligaciōs par leurs sermens 7 leurs pleges 7 leur assigna iournée de retourner a sa court 7 deulx offrir en sa presēce pour ouyr sentēce a sa voulēte. Les choses ainsi ordonnees 7 vngchascun dune part 7 daultre pty ensemble dame prudēce parla premierement a son seigneur melibee 7 luy demāda quel vengeance il entēdoit a prendre de ses aduersaires. Certes dist melibee ie les entens a desheriter de tāt cōme ilz ont 7 eulx mander oultre mer sans retourner.

Qertes dist dame prudence ceste sentēce seroit trop felonēse 7 cōtre rayson car tu es trop riches 7 nas pas besoing de lautrui richesse ne de lautrui argēt 7 pouroies estre par rayson notez 7 repzīs de couoītise qui est vng grant vice 7 racine de tous maulx selon ce que dit lapostre. Il te vauldroit mieulx tant perdre du tien que prendre du leur en ceste maniere. **M**ieulx vault perdre a honneur que gaignier a honte. **E**t aultrepart. **E**t aussi le gaing doit estre appelle perdre qui la bone fame ne garde. **E**t te dy plus que lon ne se doit pas tāt seulement garder de faire chose pourquoy on pde sa bone fame 7 mais se doit on tous les iours efforcier de faire chose aucune pour acquerre nouvelle fame. **E**ar il est escript la vile fame est tost alee quāt elle nest renouvellee. **A**pres quant a ce que tu dis que tu les veulx enuoyer oultre mer sans iamais retourner il me semble que ce seroit mesuser de la puissance quilz tont donnee sur eulx pour faire a toy hōneur 7 reuerēce. **E**t le droit dit que cil est digne de perdre son preuilege qui mesuse de la puissance q luy a este dōnee. **E**t dy plus car suppose que tu leur puisse enioindre telle peine selon droit que ie ne te octroye mie. **I**e dy que tu ne la pouroies pas mener de fait a execution ains par aduēture conuēdroit retourner a la guerre comme deuāt. **E**t pource se tu veulx que lon obeisse a toy il te cōuēt sentēcier plus courtoisement. **E**ar il est escript a cil qui plus doucement cōmāde obey lē mieulx. **P**ource te pry q en ceste besoigne te plaise vaincre ton cuer. **E**ar seneque dit. **D**eux foys vaint qui son cuer vaint. **E**t tules dit. **R**iēs ne fait tant a louer en grāt hōme cōme quāt il est debonnaire 7 sappaise legierement. **E**t pource ie te pry quil te plaise toy porter en celle maniere en ceste vengeance que ta bonne fame soit gardee et que tu soies louez de pitie 7 de douceur 7 quil ne te conuiegne pas repentir de chose q tu faces. **E**ar seneque dit. **M**al vaint qui se repent de sa victoire. **P**our ces choses ie te pry que tu adiouste a ton iugement misericorde a celle fin que dieu hayt de toy misericorde en son dernier iugement. **E**ar saint iaques dit en l'espitre. **J**ugemēt sans misericorde sera fait a celuy qui ne fera misericorde.